

Nidwaldner Jassliäd



1. Sepp, chumm mach ä Li - ter uis: Dri - mal zfiif fän fe - ab!



Chaisch de bschis - se wie de witt! Ich glai - be zwar, äs nitzt dr niid; ich



lueg dr scho is Blatt. Und si wii - sid und si bschis - sid und si chlo - pfid und si bo - ckid,



dir - mal zfiif - fän - ab. De - hei - me blan - ged 'sVeh!

Sepp, chumm mach ä Liter uis,
driimal z fiife-n-ab.

Chaisch de bschiisse, wiä de witt,
ich glaibe zwar, äs nitzt dr niid,
ich lueg dr scho is Blatt.

*Und si wiisid und si bschiissid
und si chlopfid und si bockid,
driimal z fiife-n-ab.*

Im Sepp mid siine Chuedräckhänd,
dem isch ä Jass ä G'spass.
Är leest mid Speiz de Chuedräck uif
und macht ä Tolggis hinne druif,
bi jedem Buir und Ass.

Und si wiisid ...

Us dem Liter wärdid fiif,
drheime planged s Veh.
Dr Sepp ziähd Charte, wiä ne Stiär,
Buire wiisd är all port vier
und schribt nu driimal meh.

Und si wiisid ...

Dr Chaspi hed im ganze Spiil
niid as luter läär.
Keine Trimpf und keini Beck,
sälte-n-ebbe-n-einisch Steck,
niid as luter läär.

Und si wiisid ...

Uf einisch merkt dr Chasp dä Bschiiss,
s Tiifels abenand!
Är haid im Sepp eis mitzt is Gläf,
Dr Sepp haid zrugg nit minder trääf,
So jassid s uf em Land.

*Und si wiisid und si bschiissid
und si chlopfid und si bockid,
driimal z fiife-n-ab.*

Deheime blanget s Veh!
Muhh!